



Broj:02-05-2-2446/15
Goražde, 17.12.2015 godine

Na osnovu člana 70. stav 1. i 4. Zakona o javnim nabavkama ("Službeni glasnik BiH" br. 39/14) u postupku javne nabavke za ustupanje radova na izgradnji javne rasvjete na šetalištu "Mustafe Muratspahića" od Gungor parka do Servistransa u Goraždu, putem otvorenog postupka, Načelnik Općine Goražde donosi:

O D L U K U

o poništavanju postupka javne nabavke za ustupanje radova na izgradnji javne rasvjete na šetalištu "Mustafe Muratspahića" od Gungor parka do Servistransa u Goraždu

I

Ovom Odlukom poništava se postupak javne nabavke za ustupanje radova na izgradnji javne rasvjete na šetalištu "Mustafe Muratspahića" od Gungor parka do Servistransa u Goraždu.

II

Postupak nabavke se poništava zbog dokazivih razloga koji su izvan kontrole ugovornog organa I koji se nisu mogli predvidjeti u vrijeme pokretanja postupka javne nabavke u skladu sa članom 69. Stav 3. Zakona o javnim nabavkama.

III

Ova Odluka će se objaviti na web stranici Općine Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

O b r a z l o ž e n j e

Načelnik općine Goražde je dana 05.08.2015. godine donio Odluku o pokretanju postupka javne nabavke radova na izgradnji javne rasvjete na šetalištu "Mustafe Muratspahića" od Gungor parka do Servistransa u Goraždu broj 02-05-2-2446/15. Na osnovu navedene Odluke objavljeno je Obavještenje o javnoj nabavci na portalu javnih nabavki dana 10.08.2015. godine kao i ispravka navedenog obavještenja dana 20.08.2015. godine, dok je sažetak obavještenja o javnoj nabavci objavljen u „Službenom glasniku BiH” broj: 64/15.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 07.09.2015. godine.

Komisija za provođenje procedure javne nabavke imenovana gore pomenutim rješenjem Načelnika Općine Goražde dostavila je izvještaj o provedenoj proceduri iz kojeg se vidi sljedeće:

- da su u ostavljenom roku za dostavljanje ponuda za ustupanje radova na izgradnji javne rasvjete na šetalištu "Mustafe Muratspahića" od Gungor parka do Servistransa u Goraždu dostavljene ponude od strane sljedećih ponuđača: „EKOTEH“ d.o.o. Sarajevo, „CONRAM“ D.O.O. Brčko, „STEP“ D.D. SARAJEVO i „BAHEN-GRADNJA“ d.o.o. Sarajevo
- da ponude ponuđača „Step“ d.d. Sarajevo, „Conram“ d.o.o. Brčko i „Ekoteh“ Sarajevo koje su dostavljene ispunjavaju uslove za učešće postavljenje tenderom,
- da ponuda ponuđača „Bahen-gradnja“ d.o.o. Sarajevo ne ispunjava uslove za učešće postavljene tenderom, obzirom da isti ponuđač nije numerisao stranice ponude, da ponuda nije uvezana u cjelinu, da je obrazac za cijenu ponude neispravno popunjen, da nije popunjen Nacrt ugovora kao i da nije dostavljena referenc lista kao dokaz o profesionalnoj sposobnosti ponuđača.
- iz izvještaja Komisije se vidi da je najniža cijena prihvatljive ponude data u ponudi ponuđača „Step“ d.d. Sarajevo čija je ukupna cijena ponude iznosi 97.706,06 KM

Razmatrajući izvještaj utvrđeno je da ovaj ugovorni organ nema obezbjeđena novčana sredstva za finansiranje ovih radova iz razloga što je ovaj projekat trebao da se finansira sredstvima Fonda za zaštitu okoliša BiH na čiji javni poziv je Općina Goražde aplicirala za navedeni iznos. Međutim od strane pomenutog Fonda donešena je odluka da ovaj projekt sufinansira sa iznosom od 45.000,00 KM. Obzirom da je Budžet Općine Goražde u deficitu nisu mogla biti osigurana nedostajuća sredstva za ovu nabavku. Prema tome zbog objektivnih razloga koji su izvan kontrole ugovornog organa, shodno članu 69. Stav 3. Zakona o javnim nabavkama odlučeno je kao u dipozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a.-



NACELNIK OPĆINE

dr. sci. Muhamed Ramović